

四庫未收書輯刊編纂委員會編

四庫未收書輯刊

北京出版社

伍輯・拾柒冊

四庫未收書輯刊

四庫未收書輯刊編纂委員會編

北京出版社

〔明〕謝常撰

桂軒詩集一卷

清鈔本

伍輯・拾柒冊目錄

桂軒詩集一卷〔明〕謝常撰

一

陶情藁六卷〔明〕易恆撰

四九

聞一齋詩藁不分卷〔明〕鄭賜撰

八九

北軒集十八卷〔明〕余學夔撰

一三五

宮詹遺藁三卷外編三卷〔明〕李齡撰

三二五

楊文懿公文集三十卷〔明〕楊守陳撰

三九七

古學齋文集十卷〔明〕王演疇撰

六四一

〔明〕謝常撰

桂軒詩集一卷

清鈔本

謝常字彥銘吳江人洪武中舉秀才石試

丹鳳朝陽賦稱旨帝欲官之辭歸隱

震澤東溪有桂軒棠東溪集

道老石成六月晦日東武志



桂軒詩集

無錫縣登惠山汲泉

吳江謝常彥銘

錫城號金湯粉雉餘百堵形勝奚足論名山枕其股中有
清冷泉珠璣散飛舞微探瀾春茗崖深味逾古三吳昔交
兵來尋道修阻望山雲霧中塵渴生肺腑登臨踐風志羅
逕穿石鳩細探燕芳甘岩香雜花吐山僧遠迎客風鳴嘯
林虎鴻漸或許招茶經究前譜

効陶潛

一更山吐月俄頃見林端清暉近可挹華髮皓羞眉露沾
微覺冷風淡不驚瀾怡情適所願良宵何易殘二更山吐
月玉露澄清夜棲遲松竹間惺惺夢寐下雖惜容顏奚
用韶華假倚樹商榷語啼蛩助悲吟三更山吐月靜焰中
州水蕙葭露氣寒秋鴻語沙際形役省昨非機沉無念起
延停望明河慵揩高梧寐四更山吐月照我一身明且酌
芳樽酒罷拂朱絃輝光正堪翫寵辱不須驚愛此東籬
不露冷菊香清五更山吐月河漢可方舟輕霧隨風歛迅略
逐星流去芭巴畔野停雲多倚樓南山好秋色屢送為僧
留

携琴訪友畫圖

青林曉雨過金羽鳴嚶嚶鳥穀尚求友人何無友生於焉
得勝侶拂榛躡微行囊琴欲奚適雲壑訪幽貞高彈別鶴

標細寫秋風聲靈籟應響谷飛泉噴琤琤我知若人傳芳
香握荃蘅妙得山水趣襟袍有餘清白駒在空谷何由致
深情霽景展登庭綠草抽萌焦桐且掛壁東臯思耦耕
春山忽在望眉黛花前橫

七言古詩

題李太白進樂章圖

按太平廣記明皇沉香亭前牡丹花繁開日賞花對妃
子馬用舊詞命李龜年持金花盞宣賜翰林李白進清
平調三章白宿醒未解援筆賦之末章云名花傾國兩
相當常得君王帶笑看調進太真妃真持玻瓈七寶盞
酌梁州葡萄酒笑領歌意吳興錢舜學繪為圖吾友朱

桓購得之求題因摹倣教語

青蓮居士長庚星駭鸞翳鳳遊玉京銀鐙吸乾日月液飄
：爽氣金天精沉香亭前花雨晴催花羯破春雷驚鵬欄
斜倚綺簾捲玉環睡起新粧成名花盛開堪晏賞花魚麗
質俱娉婷霓裳安按素娥舞梨園舊譜非新教金盞賜白
醉未醒珠璣咳唾花浮馨龜年宛轉歌韵巧詞高末調多
深情當歌頌意妃子咲臉霞暈酒消紅冰三郎嘆賞花未
極白才真是人中英奈何閣堅鼓謔舌千金重壁鴻毛輕
翰林寂寞嗟遠道空遺千載文章名烏呼羯胡騷動漁陽
兵風沙漠：吹旂旌馬嵬錦襪棄塵土草春風醒
謫仙今遊以騎堪悲古迹留丹青覽圖詠筆思訪故太

液池空秋鴈鳴

中秋賞月謾成

歲在洪武甲子八月十五夜放舟登湖玩月飲酣以公
子過我遊分韵予得過字韵同賦五人蜀郡魏素軒永
嘉陳鵬舉東吳顏子雍會稽崔彥隣皆深於文學之士
陪觴而不賦者虎林道士張洞雲也

人過百年駒隙過君倡樽前我酒和詞客冥思海深酒
酣突繫愁城破去年看月如玉盤山中桂子青團：今年
月色宛如舊酒光瀉月金波寒月疑俗人：俗月奔走東西
幾圓缺舉盃問月：無言鉄石一聲山石裂閨風仙人散
飛裙驚鶴翔翔高作群鮮飈何來起蘋末浪花洒濕青天

雲夜氣淒清漂毛骨爛：長庚看漸沒放棹疑同赤壁遊
翻身仰欬攀栖鶴醉歸欲抱月明眠神遊八表如飛仙南
衡北岳倏往旋奔雲作騎風為鞭翩然高登白銀闕玉壺
寒浸冰輝潔素寫桂下舞霓裳蟾枝香吐黃金屑姮娥相
逢珠可憐綺窓迎咲花如烟授以玉兔搗靈藥結歡期待
三千年夢回無人深院靜蓮漏迤：清夜永香銷金鴨泉
沉烟梧葉玲瓏散秋影

春夜曲

金壺漏滴銅龍咽紫簫聲斷黃昏月美人愁來魂欲消夢
覺梅花心似缺窓虛翠簾銀燭光佩搖明月雙鳴璫朱絃
三弄倚瑤琴釵墮雲鬟金鳳凰延簷問花：語粉溫香消

淡如雨夢魂擬托羅浮春欲誇青鳥遠飛去

賦天香室

冰輪揚輝天宇寬三十六宮開翠寒碧紗籠霧紫烟薄唇
欄桂樹青團素娥乘鵲花下語樂杵無聲閨白兔根盤
海潤烟霧深空咲吳剛持玉斧葉交翠羽枝相膠離金
粟無人收天香飄吹不斷顚氣散作人間秋老禪開窻
碧山裏舉酒花前與花喜天香萬斛雲外來月色玲瓏滿
空九淮南小山歸不歸橫琴載歌招隱詩何當凌風白銀
闕飛珮听取東南枝

蕭杖曲

蕭杖者黃大痴之珍玩也杖乃湘竹一枝皇英淚血斑

儼在修不逾五尺竅而節間而改之般清剛而奇淵魚鼻
禽驚騰應和非止嫻之餘音而已提之出遊以古錦囊蒙
其首人為節杖在握不知為簫管也遇佳山水處或當風
清月明之夜啓囊出弄聞者有飄然仙舉之意大痴晚
遊華岳不知所終傳于松陵吳祥徐氏余嘗舫舟垂虹徐
為按舊習洞仙歌

水龍吟弄詞數闕因製曲贈之

桂楫蘭舟誰吊古注尋美竹滿湘浦淋漓恨血染秋烟千
載娥皇泪痕苦當時得之無所施愛同海底珊瑚枝金刀
橫截瘦蛟頭刺作玲瓏簫管吹驪珠上連星斗七竅清
圓俱應律有時提挈坐花前葛陂老龍眠在滕世人不知

何如名但見鹿斑斑碎点清琅玕撇髯一咲發孤弄杖竹忽
作鳴一聲崑崙山石裂兩靱梅花盡飛雪三聲

群仙飛珮听四聲吹墮瑤臺月五聲銀漢驚倒流霜彫蘆
葉風鳴秋六聲鳳叫海日出吳姬飲黛凝春愁七聲八聲
毛髮聳露寒穴穴浮銀永九聲連十怒濤翻鯨魚鼓鬣三
山連停吹起坐向客言此是黃痴之所傳斯人已騎鵬翼
去老眼摩娑今幾年我人去道人休嘆息猶勝蓬萊缺仙笛
古物存亡奚足悲雲斷蒼梧暮山碧

七言律詩

明皇倚欄曲

沉香亭北好花開太液池邊翠輦來麗質新成飛燕寵高

詞多尚謫仙才白鷺影轉霓裳舞青鳳聲調玉管哀不道
蜀山行幸遠六宮春而長蒼苔

垂虹夜泊聞笛

剪得柯亭碧玉枝誰家哀怨隔江吹玉關風急霜飛早銀
漢雲橫月上遲停杼想應鮫泪滴倚樓听斷鴈聲悲梅花
一夕冰肌瘦堪並愁人獨坐時

送徐宗道入杭

錢塘自古稱雄郡鳳舞龍飛覺地靈海湧東南孤月白江
分吳越西山青花前立馬詩頻賦柳下停梳酒半醒莫唱
陽關舊時曲客懷愁絕不堪聽

次雪峯上人韵送潘公年

鳳臺重繼謫仙遊春水飛花送客舟世治文章徵少室風
微環珮遠瀛洲六朝山色依然在萬古江聲不盡流日暮
秦淮烟柳碧停雲空自倚層樓

送寶婺許鍊師遊天台
山有瓊臺雙闕發州有金華洞

瓊臺仙闕勝金華遠壑泉散走玉沙
影夜浮滄海月丹光朝掩赤城霞
玄猿出洞尋幽菓白鹿眠霜護落花
更欲携琴同隱去雙鬟應許飯胡麻

喜徐以文盧公甫二友見訪席中次韵

詞源傾峽酒微醺雙駿能空冀
北群青眼喜逢新進士紫
髯曾識舊參軍燒殘銀燭听春雨
染濕華箋繞晚雲今夕

披襟明又別烏啼花落重思君

九日感懷

去年客裏逢登高山館秋風醉濁醪
苦積蒼崖磨蠟屐飛青礪撲吟袍
壯懷牢落悲千古短髮淒涼感二毛
今日黃花開更好却懷青眼坐揮毫

謝龍石講師作桂軒賦

想當盤礴坐揮毫直倩胡姑瘴處
搔鳳織天機成錦繡龍騰研沼作
波濤楊雄老去偏能賦屈子愁來
獨擅騷樹底臨風歌此曲秋香如
海月輪高

贈妓

風鬟約翠体娉婷年少青梅浣
姓名舞袖乍低翻蝶影歌

喉輕轉度鶯聲五聲玉笋生波
灩機觀金蓮步月明試問仙姿
誰第一梅嬌春色最傾城

題東山逸民齋

華髮盈簪識者稀風流只許晉人知
松間入社烏巾整花外行春畫舫移
汀雪踏殘鴻去遠隴雲耕遍犢歸遲
明時何事甘高卧自古商顏詠紫芝

謝沈仲庸惠詩次韵

錦機新織耀文明忽捲天雲下翠瀛
航雪魄無高士興晉雲勞動故人情
春醅醺林懷東老秋佩紉蘭慨屈平
湖曲蘋花期共采白鷗烟雨釣絲輕

送朱仲桓

風前握手重徘徊鳴咽江城急管催
吊古空携蘭葉佩登高且醉菊花盃
浮雲截處青山斷落照明邊白鳥迴
幸遇來鴻書早寄故人只在曲江隈

寄日章講師時隱霞霧峯

飄然飛錫下神京祇許漁樵識姓名
雨過苔花留虎跡霜寒栗葉斷猿聲
幾時白社客分榻何處滄溟共濯纓
欲采芙蓉將遠意雲山迢遞不勝情

賦游教諭得月梅在徽州山頂

樓聳層峯枕碧湍素娥素鏡晚臨
暈飛映水宜先照高步凌雲得近看
銀漢垂槎秋影連金波搖桂海光寒
倚欄聽徹霓裳曲仙興飄來接露盤

賦味藥齋

味藥癯禪道趣長舌根蓮吐自清涼液含氷雪心逾苦語
帶烟霞齒亦香貯火寒爐魚試茗引泉雪碓不春糧信知
此味回甘處春透梅香鉄石腸

張茂才折梅將字韻

折梅無使許誰將清興應知慙客腸翠羽驚寒花夢醒玉
龍脫骨蘇痕香杖藜深谷宜晴雪橫笛高樓怕夕陽却憶
孤山曾翫處一聲歸鶴嶺雲長

送朱彥能望兄

火壯何須憚遠遊西風吹上石城舟巔花浪白津亭晚柿
葉霜紅野店秋鴻鴈來稀勞遠夢鵲鵲飛急倍離愁故園

東望青山斷伯仲京華莫久留

次盛明史和海棠韻

仙姿獨占錦官城移却韶華向小亭經雨朱唇饒點綴綺
風細袖最娉婷玉環微醉傾金屋西子新粧耀綉屏勝賞
只愁春易老花梢啼鵲不堪聽

次道中值雪

春 梨花冉：輕銀河剪水下青冥乾坤爽氣隨詩卷山
水清輝入畫屏鷗暎江花寒渚白鴉啼官樹暮烟青芳吟
不曾藏驢滑金帳誰家酒半醒

壽椿軒賞紅芍藥次莊燧韻

愛殺名花醉露開曲欄深處稱新裁鵲鵲巧按娉婷舞鸚鵡

鵲深擎漱艷盃攀折愧無烏帽揮品題那借錦囊裁相尋
更盡尋芳興明日殘紅滿綠苔

秋林高士苗

霜染秋林葉未紅白雲如海畫濕濛山中鷄犬無塵到谷
口漁樵有路通雙履行踪留蘇送五絃靈籟響松風浩歌
招隱披面畫目斷冥飛縹渺鴻

送僧還天目

出山纔逐嶺雲飛又欲談經入翠微江海可伶遊子獨乾
坤珠覺故人稀春陰弱柳難維棹雪霽青蘿可補衣擬約
潭龍來听法山靈莫違護岩扉

留京寄山中老桂

叢桂園：翠作堆相依日傍小岩隈風生玉宇香浮榻月
瀉金波影墮盃黃鸝休教啣子去素娥有約看花回裁詩
記得秋鴻便獻賦歸來擬重陪

十五年八月初三日口占

歸養慈親荷

聖恩喜傳天語出金門河陽敢問花誰種彭澤應知菊尚
存衣染爐香沾曉露硯翻旗影見晴曦秋風好趁鱸魚膾
丹桂庭前酒滿樽

悼張子安主簿

送客長亭幾落暉送君惆悵永相違秋風波起鱸堪膾春
日樓前燕不歸圖畫儼曾遺像在衣冠深惜故人稀莫將

此曲花前賦，愁見殘紅撲面飛。

謝吳彥章惠藥

仙瓢分我紫金丹，何必蓬萊問大還。火煥丹田存夜氣，雷聲虛谷透玄關。青童采朮筠籃滿，白兔眠花玉杵閑。屢乞刀圭無所贈，只傳詩句向人間。

水仙次韵

清婉江梅玉雪標，輕搖柔翠怯風飄。金盃裏露寒香濕，羅襪凌波月影搖。漢女情深將珮解，湘娥魂斷費詞招。纖塵不到魚鱗屋，相對蛾眉慰寂寥。

和荅戴兄山中見寄

燈前花落夜猷棋，信是新知勝故知。觀者醉酣銀甕酒，掃

苔題遍石欄詩。須將蠹簡窮千帙，尚想鸞簫接一枝。日暮江東無限思，春波愁殺草離離。

次程文明韵二首

託迹吳山豈避名，地偏終日掩柴荆。練囊夜讀螢光爛，蕙帳秋眠鶴夢清。麗句驚音吟白雪，長鏡擬共斫黃精。權歌一曲滄江晚，採得蘋花寄遠情。

思逐清溪不盡流，高風何處覓巢由。蘋香結社鷗盟晚，木落江涵鴈影秋。畊雨只堪居谷口，停雲空自倚樓頭。試攀叢桂歌招隱，欲約千峯汗漫遊。

送僧遊金山寺

勝地金山京口寺，鯨鰲背穩戴觚稜。片帆長送遊山客，一

錫孤飛度海僧。地濕花香龍洞雨，江昏樹暝鶴林燈。妙高臺上題詩處，應到烟蘿紫翠層。

悅親堂

湖山深處築高堂，端伯陶潛五柳莊。欄映春輝花並艷，園宜秋雨菊新黃。佳兒彩服迎鳩杖，逸士綸巾醉羽觴。此地悠然心自遠，清風千古傲羲皇。

得黃彥恭書

父子征行萬里餘，悲懷牢落竟何如。思家應隨清猿淚，寄友初回白鴈書。廢宅殘花疎雨暗，故園衰柳夕陽疎。款款知已嗟何有，慙對銀燈剔蠹魚。

荅使希程

東風南浦綠生波，曾覓詩人載酒過。舞踏花陰憐甚醉，吟看草色奈愁何。白鷗晚艇烟中度，黃犢春畊雨外歌。只尺相隣期會數，雲山在榻在松蘿。

三月既望登張伯琦平遠樓

太湖好景畫圖張，獨倚南樓愛夕陽。山色乍濃經雨濕，水光無盡接天長。泥融燕掠平蕪遠，風暖魚吹落絮香。新句吟成看不足，勝移烟艇過瀟湘。

立春日口占

霽晚東風入戶庭，乾坤春意思霽冥。雪融亭館梅先發，雨過池塘草又青。翠葦浮蛆擎漱澗，金釵舞燕覩娉婷。彩毫題罷宜春帖，願祝親闈壽百齡。

賞花

梅雪既零桃霞復爛千葉信仙姿之可貴一枝須友愛
以同觀詠弗續於銀箋罰請同於金谷各宜勝賞共證
芳盟

方倚東風怨落梅小桃又折粉墻隈鬢絲若被春愁染花
信全憑曉雨催錦織麒麟紅隱禱盡鸚鵡綠浮醅習池
須盡風流興勝賞名園第一迴

吳江道值風

風急灘聲吼若雷五湖吹起浪花堆黃蛟掣拖浮還沒白
鳥迎舡去却回吟鬢暗隨春色老容程偏苦夕陽催詩豪
不慣窮途哭醉月江亭酒一盃

述懷

塵暗貂裘髮已蒼尚於詩酒擅清狂興豪強吸盃中月吟
苦休看鏡裏霜泊汜鳴蛙誰鼓吹山林隱豹自文章匣中
幸有青萍在烟：虹霓夜吐光

為玉峯長老賦竹枝

鶴膝稜層九節頑幾迴提挈扣松關藥增太乙吹烟碧筠
妬湘妃泣雨斑扶月匡廬尋白社桃雲禹穴看青山休驚
瘦質堅如鉄曾伴仙槎萬里還

賦滄洲漁舍

釐竿拋却向滄洲新築軒楹近白鷗竹色凝烟茶灶晚波
光搖月釣絲秋種成楊柳陰垂屋採得芦花雪滿舟笠澤

桐江流不遠清風千載繼羊裘

挽樗軒張先生

清奇奕葉見耆英曾荷金盞問姓名花雨巢空春燕去松
風弦絕晚猿驚彌衡蘭傲非時尚阮籍疎狂任 評新塚
草生棺已蓋碧雲遙想玉樓成

送羽士回洞霄宮

衣染天香荷

聖情歸遊大滌勝蓬瀛 搗藥當窓語白鹿啣花出洞
迎劍匣潛虹嘘夜氣酒瓢新綠瀉春聲姓名久已通仙籍
歆誇青鶴上玉京

答吳興許道善

總見漁郎輒問君青山滿目思紛紛：苔花未泥孤蓬雨薛
荔誰分半榻雲波煖鮮鱗還可釣春溪啼鳥不堪聞有懷
寓罷新吟句影轉晴簷透隙曛

偶成寄松鶴二巢隱者

草堂背郭近西郊綠柳重陰水一均綉羽啣花窺燕幕青
蛉上竹塢禽巢爛柯愁對仙翁笑隱几寧嗔弟子嘲阮籍
清狂山簡識深期千載結神交

和寄滄浪漁者

滄浪漁屋傍東郊曲：溪聲漱石均柳絮吹香漢出穴竹
花成寔鳳來巢五絃白雪送誰鼓一枕清風不用嘲海內
相知能有幾今年當合古人交

題金山寺

山中有白蟻害人神師逐之于海今有洞存尸神師跡其上

中流高聳一峯青，綉出黃金覺地靈。
鐵鳳翔空簷影連，玉龍歸海浪花腥。
兩輪日月飛明鏡，千古江山列畫屏。
追想坡翁題墨危樓夜，倚摘天星。

東雪樵兄承許竹筇見寄先成拙句以謝

太乙青藜不可呼，湘筠枝老藉扶持。
研穿苦蘚霜痕瘦，看到梅花月影孤。
隨鶴便堪凌紫翠，釣鰲那許拂珊瑚。
醉吟拚白詩千古，不向蒼藤七尺枯。

寄頑雲石長老

室中欲問維摩疾，見說蘿陰滿碧窓。
白日忘機沙鳥並，清晨持呪海龍降。
竹分明月依祥榻，花愛雲香護法幢。
蕭散漁樵容入社，往來小艇共滄江。

漁樵容入社，往來小艇共滄江。

和陳三魚二首 兼柬如一源長老

情親教寄錦囊詩，浩嘆謀生只背馳。
荒渚鷺依霜倒葉，上林鳥借月明枝。
青山數點登臨處，白髮千莖感慨時。
曉雨連床空有約，燈花搖落夜窓棋。

開士雲林結小庵，松間一虎視龍鱗。
石床花雨飄香霧，禪榻茶烟鎖翠嵐。
入社同遊聞未許，買山深隱老還堪。
重尋有興煩相過，叢桂幽軒在水南。

答友竹兄見寄

去年來摘新製見憶佳篇投花辭之情見于言表非愛李能如是耶遂奉賀以謝不敏云

書巢暫倚白雲隈，此日幽尋偶獨來。
綠綺賞音三疊美，銀燈送喜一花開。
月林樓鶴驚寒起，霜峽清猿入夜哀。
友愛

殊思秋共被深盟，那畏竹君猜。

答垣菴長老

花吐銀缸夜貫虹，歸來偶與接清容。
寒驢底用朝天借，馴虎曾因入社逢。
題遍秋林霜醉葉，定深寒牖月移松。
芙蓉採寄珠相憶，應說明珠引鉢龍。

答醫士沈橘泉

玉氣盤田掩白虹，冰姿皎皎絕塵踪。
仙人黃鶴峯頭過，老子青牛谷口逢。
收穀春林霞爛杏，斲苓寒澗雪埋松。
憐渠小隱風流甚，何羨人間陸士龍。

送顧文伯仙遊縣尹

青冥一鶴試翱翔，河珮珊珊出帝鄉。
鯨背江聲離浙遠，馬頭山色入閩長。
琴彈白雪松陰靜，簾擁紅雲荔子香。
莫訝親闈隔千里，只今南海盡封疆。

送花茂材赴台

雪消春水漲蒲萄，上國徵賢得俊髦。
鳳闕花陰移綠綵，龍河柳色染青袍。
舊時華閣題名在，今日丹梯步武高。
拭目榮歸江上路，垂虹鞍轡踏金鰲。

賦趙宗孟州覽翠軒

泓水名軒眺望餘，武成山色更堪誇。
烟鬟翠擁秦京樹，雲氣紅蒸閬苑花。
春晚畫圖去馬夕，陽詩思在歸鴉清晴。
賓客偏能賦，那得新霜染鬢華。

次升坐中秋無月詩句

月湧冰輪海色秋飛霜擬落古今愁碧梧枝上俄聽雨金粟香中倦倚樓神女夢迷翹翠濕素娥嬌怨鏡裏收無緣天柱峯頭看刻燭狂吟夜未休

樂樵詩為潯務胡司征賦

明時何事輿歸樵心慕雲林遠市朝栢葉遍題詩滿篋松花新釀酒盈瓢春衣滴翠嵐初濕凍筵堆銀雪未消山水娛情兼吏隱芳聲藉甚播青瑤

辛未十月東臯和尚至儒林蒙垣菴長老以詩見寄因以奉和

雲白山青思渺然飛鴻無數夕陽邊隴頭忽折梅花寄天末遙看樹色連憶昔栽蓮廬岳社何時泛雪剡溪船東臯

已有行春約擬把絲桐拂古絃

哭潘儀仲

紫髯瀟灑美清揚笠澤賢名早擅場花發古林春易老葉垂橋井水猶香墨池有迹霏晴靄渙舍無人掩夕陽清淚平生頻哭友於君倍覺斷吟腸

題汪知印梅雪卷

栽梅與結歲寒盟幕府詩人玉雪清數萼微紅春有信六花深白夜無聲舟回剡曲銀蟾墮夢斷羅浮翠羽驚遙想風流曾未識畫圖坡阮不勝情

趙母伍氏悼詩

武林伍氏留名族壽母康寧老此邦青節鏡飛鸞影隻綵

衣蓮舞鳳繡鴛鴦零翠色霜凝圓梅斷冰魂月在窓西去應陪王母燕玉簪花底度新腔

留題觀芳軒三首

愛此芳軒景物饒陽回律管尚寒驕粉雲凝凍封梅萼玉雪飄香綴柳條入暮東風翻蝶翅拍堤春水長魚苗擁爐且對隣翁飲醉頻微紅酒易消

稚犬迎人吹竹扉兒童拍手咲牽衣梅香遠近尋詩去花影玲瓏步月歸春曙當窻鶯百轉烟晴隔壑雉鳴驕騶不到鷄豚社咲傲滄洲與世違

小車行處草茵連正近城南五尺天玄鳥踈簾春雨外白鷗隨艇夕陽邊朝川花竹疑無地杜曲桑麻更有田登覽

湖山須盡興東風何必聽啼鵲

題周叔訓東白樓

青簡窮探夜易浮樓高曙色晃簾陰月收寫鏡天垂素日浴烏輪海湧金蘭蕊消殘燈影淡梅花吹斷角聲沉凌好拳飛霞珮直上陽岡听鳳吟

薛彥英竹堂

翠擁珠簾萬竹深草堂卜築在雲林石湖春雨蒼龍化丹穴朝暉彩鳳吟逸士為冠裁錦擢佳人鼓瑟傍清陰擬分半榻容高卧聽徹秋聲快此心

秋日次韵答友四首

西窓默坐停雲在念忽承新作見視驚

喜自不

勝且白法雄奇深有騷人悲慨之思更加勉勵何可量
哉因次韵倚歌不覺于三千四情亦過重陽雖不為蘇
臺之遊然佳節不可虛擲乞咲燦

木落江空白鴈哀征人應寄錦書回天低晚色和烟暝風
急秋聲雜雨來鱸切紅冰思食鱸菊含清蕊待啣盃人生
幾度逢重九擬共高懷此日開

愁聽山陽一曲哀錦袍應棹酒船回亟閑謾說青牛度華
表曾聞白鶴來斜插菊花須壓帽細傾竹葉且浮盃苦吟
頓覺霜侵鬢匣鏡慵將向曉開

閑塞秋風盡角哀愁腸九曲與川回雪飈汀葦鷗爭下霜
老庭梧鳳不來寂寞楊雄徒執戟風流李白快持盃相思

疊有相思寄喜極嗟眸為爾開

搖落清秋宋玉哀高丘登眺首頻回鴈群白點霜花過鴉
背紅翻日影來曲按拓枝彎舞袖酒行牽落送深盃西風
暮洒牛山淚且對黃花笑口開

予久不作詩塵坐填膺殊乏清趣忽覩珠玉頃豁茅塞
邇風長謠清興復與南山秋色爭高矣非賢友起予之
功乎因書以識

西林迢遞翠薇間曲迳溪流淺灣僧影儼如孤月淨道
心長與片雲閑茗甌香湧微瀾碧黃鼎蛟綃叔火丹雪霽
梅花開已遍微陪吟眺向湖山

丙子春曠賞悅親堂前牡丹

好花忽向愁中發花本多情不解愁紅霧飄香來上苑紫
霞鋪錦錦覆重樓遙當國色宜傾酒廉護春暉倦上鉤莫遣
花神怨岑寂管絃須醉習池頭

竹茶爐為惠山長老真性海賦

竹爐絕勝煮茶鐺新剪淇園玉一莖團鳳乍驚風籟起鋒
龍暗捲浪花生瀾分翠色和烟織香掬金芽貯火烹留向
禪房清作供梅梢吟轉月三更

次韵筠莊中秋

承示中秋無月佳什不勝感歎惜乎予聞命在晚若俾
茲夕共南樓曾為撫闌大呼飛簾驅清風掃除雲脚
送出冰輪矣何待天柱始興姮娥晤語聊勉廢高韵為

後會之張本

天香雲外襲人衣海霧滄茫月影微玉兔此時空搗藥金
臺何處爛騰暉庾樓興盡開樽坦鮫室燈昏寂抒機願祝
明年強健在倚欄送照鬢毛稀

贈笈生

製笈昔誇馮陸妙爾今江左已名揚管乾春雨清湘涸毫
帶秋蟾古桂香閑寫鵝群臨墨沼絕登虎榜戰文場老予
無復生花夢鴈字行邊送夕陽

蘇州玄妙觀袁道士卧雲山房

空濛如霧鎖林霏高卧幽人在翠微一榻梅花清入幔半
窓竹色冷侵衣心馳魏闕從龍去勢遠瀛州戴鶴歸城市

行人紛似蟻日高猶自掩柴扉

題朱墨齋鍊師禱雨詩

萬壑松聲畫掩扃山川早告已揚靈
風回鶴背雲旗轉而噴龍鱗海氣腥
丹鼎芙蓉煙夜紫石田芝草覆寒清
送師欲問長生訣一曲高笙月底聽

送陸良佑還遼東二首

梅花長笛弄新腔漱澗春醅倒玉缸
舊友相逢能有幾佳兒秀出喜連雙
燒痕雨過青田野水色冰消綠滿江
惆悵今宵重話別詩豪剪燭近西窓
杏花疎雨長春潮聽徹鶯聲館柳條
千里慣遊京國路萬方同仰

聖明朝海門風急鵬程遠沙島天清
蜃氣高重約歸來梅正發蘇臺須擬
木蘭桹

上徐通判二首

南洲爽筆顯才名袍染天香下玉京
遷董文章推老笔龔黃政績繼嘉穀
花間待滿群龍遠柳下行春五馬榮
只恐金鷄催召入珮珂還統鳳池鳴

書生累赴公車召曾親瀛洲玉笋班
百歲慈親垂鶴髮九重

聖主連龍顏秋風後園萱花老春雨
疎畦菜甲班病足支離尤可愧願終
渙釣五湖間

贈薛丞

昭代求賢得俊良名題虎榜出宮牆
泮池采藻春波暖江縣哦松化日長
空碧未搏鵬翼遠落紅時視馬啼香
餘且適湖山興佇入萬坡翰墨場

簡蔣知縣

零陵爽葉譜猶傳秀出文章今尹賢
要路青山須攬轡高堂白晝暫鳴絃
飛鳧花外迎初旭馴雉桑陰卧煖烟
黎庶謳詩欣美政清風永播五湖邊

主簿

日華綢爛五雲端海岳春涵宇宙寬
綠柳陰濃堪繫馬碧梧枝老稱栖鶯
政清月色當窓皎訟簡江聲入座寒
東髮窮經期顯用青霄萬里佇鵬搏

長史

澄湖一碧鏡光寒山聳雲屏入遠觀
作邑暫須煩進士到城惟見說清官
蓮開曉幕紅雲煖絮点春袍白雪乾
吏牘幽閑無一事高樓偏稱倚闌干

答天寧昭明遠講師謝惠茶

雷奮金芽百草前摘來分供上乘禪
松穀驟擁爐寒雪花氣濃熏晝榻烟
奇品正宜烹雀舌清香更好蒸龍涎
茶經欲著無鴻漸思吸中冷第一泉

縣庠鄉飲分題得身字韵

晚起芹宮集縉紳鹿鳴歌咏宴嘉賓
四筵俎豆先尊萬卷書詩可立身
瑟鼓朱絃和應律益浮綠酒灑生春
喜當

時感陪清列日月光華仰聖人

蘇臺夜泊陪夏尚忠賦有當師談春秋故識之

闔閭城下擊孤疏水氣初寒未有霜乍擁青綾無夢寐且
听黃帽說文章月沉野弋啼鳥早風急天寒送鴈忙修史
同來同吊古倚蓬清嘯發詩狂

詠陸良佑南莊池內雙頭蓮

池蓮葉淨鏡光深交映紅粧愛日陰翠幹因緣生並蒂綠
房姊妹結同心多情倚雨雲垂蓋隨步凌波月散金賞翫
紫鸞驚不去芳香醉吸寓新吟

題志講師所藏和靖觀梅

孤山看遍千株雪尚有風流玉一枝虛幌香凝雲合處小

寒影轉月來時鼻禽怯冷孤眠早公鳳窺春欲下遲人在
西湖：水曲歲寒情絕有誰知

梅邊小集次靜品趙判簿韻

銀河剪水散重霄吟遠梅邊雪絮飄暝色籠鴉迷海嶠暗
香隨馮過溪橋書窓晃向沾微濕野燒回青積易消走覓
詩翁乘逸興不知蟻展碎瑤瑤

雪獅次韻

狡狴粉飾猷名公威猛天然奪化工耐冷獨存冰壑底向
陽難吼日華東龍飛玉甲應相畏虎峙藍衫信不同却咲
兒童浪驚起金鈴綵索強牢籠

三月六日公燕即席次韻

當道荔子擘輕紅香繞沉香酒滿鍾柳舞東風金縷弱草
鋪平野翠茵重清談護酒珠璣唾壯志雄蟠錦綉買餞別
江皋春正美九重王氣仰飛龍

答汪師魯

墨洒銀箋翠陸離寄來深感故人思每當晚市停雲處長
憶春江曉雨時鷗艇不妨侵柳繫鳳笙偏愛隔花吹新晴
好訂行春約鴨綠翻：已滿陂

永樂元年吳江縣座八月二日丁巳祀

宣聖陪班尹趙索詩賦此

桂舍金粟值秋丁庭燎騰輝晃列星至聖千年存禮樂生

民萬世仰儀刑龍飛寶位瞻天近馬負河圖覺地靈昭代
重熙文治盛敬陳歌詠頌明庭

挽工部尚書嚴出使安南致于公館歸壘西塞山

紫髯如戟美琳琅貴顯榮依日月光海隔華夷勞遠使天
生才傑佐

高皇廟堂梁棟嗟何在庭砌芝蘭喜愈芳久慕荊州慙不
識西峯烟霧舊蒼蒼

補吳興弁山佑聖宮分題韻五首

永樂元年七月盛暑中吳興道士朱默齋過笠澤見訪
出弁山佑聖宮願景中分題韻求補詩元用白玉蟾晚
檻猿啼松顙雨後窻鶴唳竹梳風十四字為韻各賦律